

Área / Unidad IMCE 0000 AMCC	Documento 23919I026Y	
Código de verificación  0C2U 0N1Z 203K 2Q1D 07QR	Expediente 239/2025/488	
	Fecha 26-11-2025	

BASES PARA REGULAR A PARTICIPACIÓN CIDADÁ CABALGATA DE REIS 2026

OBJECTO

O Instituto Municipal Coruña Espectáculos (en diante, IMCE) convoca ás nenas e nenos cidadáns da cidade co obxectivo de regular a súa participación na Cabalgata de Reis 2026, o luns 5 de xaneiro.

As normas de participación regúlanse segundo o que dispoñen as presentes bases.

PARTICIPANTES

Pódense inscribir todos os nenos e nenas que, na data do 31 de decembro de 2025, estean empadronados na cidade e teñan unha idade comprendida entre os 7 e os 11 anos (nados en 2014, 2015, 2016, 2017, 2018). A totalidade de prazas ofertadas nesta modalidade é de 220 entre participantes en carrozas e participantes en trenes.

INSCRICIÓN

O período de inscrición comezará o **martes 9 de decembro de 2025 ás 9.00 horas e finalizará o xoves 11 de decembro de 2025 ás 14:00 h** aínda que, se non se ocupan todas as prazas, o prazo se poderá prolongar.

As solicitudes formalizaranse únicamente de forma electrónica a través do **formulario de inscrición**, que se poderá atopar na web municipal (www.coruna.gal/cultura)

Os datos que se deben facilitar son os seguintes:

Nome, apelidos e data de nacemento (idade).

Nome e apelidos do pai, nai ou representante legal da/o nena/o, no seu caso, e autorización da participación do/a neno/a na Cabalgata.

Teléfonos de contacto (fixo e móbil).

Correo electrónico.

Autorización de uso da imaxe.

Lugar de empadronamento.

A inscrición realizarase por orde correlativa de recepción das solicitudes debidamente cubertas, asignando consecutivamente a cada unha delas o número de solicitude correspondente. Soamente se validará unha única inscrición por nena ou neno.



A presentación da solicitude de participación implica a aceptación incondicionada das presentes bases.

Para determinar a ubicación dos participantes **procederase a realizar un sorteo** que do mesmo xeito serviría **para adxudicar as prazas** no caso de que as solicitudes excedan a oferta de prazas dispoñibles. O sorteo realizarase o 15 de decembro ás 10:00h nas oficinas da Concellería de Cultura, adxudicando as prazas correlativamente a partir do número agraciado no sorteo.

Unha vez realizada a adxudicación, comunicaráselles aos interesados (vía correo electrónico ou vía telefónica) a súa ubicación na Cabalgata, así como a información necesaria para a participación na mesma: lugar e horario de presentación o día 5 de xaneiro e horario e forma de recollida dos/as nenos/as na Praza de María Pita, unha vez rematada a Cabalgata e o Saúdo Real. Esta folia de información colgarase tamén na paxina web www.coruna.gal como anexo ás bases.

As persoas agraciadas no sorteo deberán presentar a inscrición cuberta e asinada xunto coas normas que son de obrigado cumprimento no momento da recollida do material de vestiario para a Cabalgata.

1. Día de presentación: o día que se lles indique entre o 26 de decembro de 2025 e o 3 de xaneiro de 2026.
2. Lugar: Sala Túnel do Coliseum (acceso pola rampa ubicada xunto a Porta de Presidencia).
3. Horario: de 16.30 a 20.30 horas
4. A organización facilitarlles un xustificante que deberán presentar o día da Cabalgata no centro asignado.
5. Unha vez cubertas as prazas dispoñibles, crearase unha lista de espera para cubrir baixas ou novas necesidades.
6. **Non se pode ceder a praza na Cabalgata a outra/o nena/o.** Se unha persoa das admitidas, por razóns persoais doutra índole, non puidese participar na Cabalgata, o tutor/a debeo comunicar nas oficinas do IMCE (Avda. da Mariña, 18), por teléfono (981 184 200 – extensión 12014) ou por correo electrónico (imce@coruna.gal) con anterioridade á recollida do vestiario. A substitución farase, inexcusablemente, pola persoa que, por rigorosa orde de inscrición conforme a primeira praza das de reserva, e así sucesivamente, por orde correlativa.

INFORMACIÓN PARA OS PARTICIPANTES

As participantes comprométense a presentarse o 5 de xaneiro no lugar e hora marcados como punto de encontro, vestidos unicamente cuns leggings, zapatillas deportivas/botas, e parte de arriba abrigosa, todo de cor negra. O resto das prendas que conforman o vestiario e o chubasquero (no caso de choiva) serán facilitados polo IMCE na modalidade de préstamo gratuíto.

De conformidade co establecido na Lei orgánica 15/1999, de protección de datos de carácter persoal, infórmase as persoas que participen que, en relación cos datos incorporados de forma voluntaria na inscrición, poden exercer os seus dereitos de acceso, rectificación, cancelación e oposición dirixindo un escrito ao IMCE (Avda. da Mariña, 18).

En todo caso, unha vez finalizada a Cabalgata, o ficheiro automático que incorpora os datos de carácter persoal será destruído.

Normas de obrigado cumprimento:

1. Os/as participantes deberán presentarse, co xustificante da inscrición e acompañados polo pai, nai ou titor, o día 5 de xaneiro ás 15:30 horas no punto determinado polo IMCE, que será comunicado no momento de confirmación da praza, onde quedarán ao cargo dos responsables da organización da Cabalgata de Reis 2026.
2. Desde o momento de entrega ata a hora de inicio da Cabalgata os/as participantes permanecerán nas instalacións asignadas, onde realizarán actividades variadas para amenizar a espera ata a chegada das súas maxestades os Reis Magos de Oriente.
3. Durante o percorrido os/as participantes lanzarán caramelos desde as súas carrozas, sempre atendendo as indicacións dos seus monitores asignados.
4. A duración do percorrido da Cabalgata de Reis 2026 será aproximadamente de 3 horas, e está prevista a chegada á praza de María Pita ás 20:30 horas.
5. Unha vez finalizado o saúdo real, e SÓ ENTÓN, procederase á recollida das/dos figurantes polas persoas responsables, pai, nai ou titor/a, pola "porta" que se indique, previa comprobación das pulseiras identificativas de ambos.
6. En NINGÚN CASO se poderá acceder ás zonas delimitadas pola organización na Praza de María Pita para recoller a un/unha menor participante con anterioridade á finalización do Saúdo Real.